

5. gr.

Lögregla Vestmannaeyja og hundaeftirlitsaðila er skylt að fjarlægja lausa hunda, sem ganga lausir utanhúss og þar sem um ræðir í h-lið, 2. gr. þessarar samþykktar. Sama gildir um hættulega hunda og óleyfilega hunda. Skal lögreglan koma þeim fyrir í hundageymslu, sem bæjarstjórn Vestmannaeyja hefur úthlutað og í framhaldi af því hafa samband við eiganda hundsins. Eftirlitsaðili skal sjá til að hundinum sé gefið að éta, þann tíma sem hann er í vörslu.

Kostnaður við töku og geymslu hunda skal að fullu greiddur af eigendum.

Hættulegum hundum er heimilt að lóga þegar í stað.

Aðra hunda er heimilt að afhenda, ef leyfi er framvísað innan 10 daga frá því hundurinn kom í vörslu eftirlits, enda verði áfallinn kostnaður greiddur. Að öðrum kosti skal hundinum lógað.

Bæjarstjórn getur sett reglur um nánari framkvæmd reglna þessara.

6. gr.

Brot gegn samþykkt þessari varða sektum eða varðhaldi. Með brot út af samþykktinni skal farið að hætti laga um meðferð opinberra mála og að öðru leyti í samræmi við ákvæði laga nr. 81/1988, VI. og VII. kafla.

7. gr.

Framangreind samþykkt bæjarstjórnar Vestmannaeyja staðfestist hér með skv. 22. gr. laga nr. 81/1988 um hollustuhætti og heilbrigðiseftirlit og 1. gr. laga nr. 7/1953 um hundahald og varnir gegn sullaveiki og lög um dýravernd nr. 21/1957, til þess að öðlast gildi þegar við birtingu. Jafnframt fellur úr gildi lögreglusamþykkt um hundahald í Vestmannaeyjum nr. 320/1979, IV. kafli, um hundahald.

Ákvæði til bráðabirgða.

Leyfi til hundahalds, sem veitt hafa verið fyrir gildistöku samþykktar þessarar, halda gildi sínu. Að öðru leyti gildir samþykktin að fullu um þau leyfi.

Heilbrigðis- og tryggingamálaráðuneytið, 3. maí 1994

Guðmundur Árni Stefánsson.

Sólveig Guðmundsdóttir.

AUGLÝSING

**um tímabundinn tollfrjálsan innflutning tækja og búnaðar
vísindaleiðangra og hópa á vegum skólastofnana.**

1. gr.

Tollstjóra er heimilt að leyfa tímabundinn tollfrjálsan innflutning tækja, verkfæra og búnaðar, þ.m.t. vistir, sem vísindaleiðangrar frá erlendum vísindastofnunum og háskólum og hópar á vegum skólastofnana o.þ.h. flytja til landsins til notkunar við rannsóknir sínar hér á landi. Í tollfrelsi felst undanþága frá greiðslu aðflutningsgjalda, þ.e. tolls, virðis- aukaskatts og annarra gjalda sem greiða ber við tollafgreiðslu innfluttra vara.

2. gr.

Tollfríðindi samkvæmt auglýsingu þessari eru háð eftirfarandi skilyrðum:

1. *Vegna vísindaleiðangra:*

Framvísað sé leyfi frá Rannsóknarráði Íslands til staðfestingar á að viðkomandi leiðangur hafi heimild til rannsókna hér á landi.

Vegna leiðangra á vegum skólastofnana:

Framvísað sé yfirlýsingu frá viðkomandi stofnun um að leiðangurinn sé á hennar vegum og að hann sé kominn til landsins í rannsóknarskyni. Tollstjóri getur áskilið staðfestingu af hálfu skólayfirvalda í viðkomandi landi eða annars aðila sem hann viðurkennir í því skyni.

2. Innfluttar vörur séu að mati tollstjóra hæfilegar með tilliti til starfa og verksviðs leiðangurs hér á landi og dvalartíma, sbr. einnig 3. og 4. gr.
3. Lögð sé fram sundurliðuð skrá, staðfest af fyrirsvarsmanni leiðangurs, yfir innfluttar vörur, ásamt yfirlýsingu um að þær séu eingöngu vegna leiðangursins og að tæki, verkfæri og búnaður ásamt ónotuðum vistum verði flutt úr landi við brottför leiðangursins. Þó má leyfa tollfrjálsan innflutning ef endurútflutningur er fyrirhugaður síðar en við brottför leiðangurs, enda sé það innan árs frá komudegi.

3. gr.

Með vistum samkvæmt auglýsingu þessari er átt við matvæli sem heimilt er að flytja til landsins samkvæmt þeim reglum sem gilda um innflutning ferðamanna.

Magn tollfrjálsra matvæla vegna hvers leiðangursmanns má vera 0,5 kg fyrir hvern dag sem hann dvelur hér á landi við rannsóknir, að hámarki 10 kg, og verðmæti þeirra á mann má mest vera 700 kr. á dag og 14 000 kr. alls.

Innflutningur áfengra drykkja og tóbaksvara skal fara eftir þeim reglum sem gilda um innflutning ferðamanna eftir því sem við getur átt.

4. gr.

Ákvæði auglýsingar þessarar veita hvorki undanþágu frá innflutningsbanni né innflutningstakmörkunum á ýmsum vörutegundum samkvæmt lögum, reglugerðum eða öðrum stjórnvaldsfyrirmælum. Tollfríðindi geta náð til vara sem háðar eru innflutningsleyfum, enda séu tilskilin leyfi fyrir hendi.

5. gr.

Ákvæði auglýsingar þessarar gilda hvort sem leiðangursmenn hafa vörurnar meðferðis við komu til landsins eða þær séu fluttar til landsins á annan hátt.

6. gr.

Auglýsing þessi er sett samkvæmt heimild í 5. tl. 1. mgr., sbr. 2. mgr. 6. gr. tollalaga nr. 55/1987, með síðari breytingum, og öðlast gildi þegar í stað. Jafnframt fellur úr gildi auglýsing um sama efni nr. 252/1992.

Fjármálaráðuneytið 9. maí 1994.

F. h. r.

Indriði H. Þorláksson.

Ingibjörg Þorsteinsdóttir.